


**TEZAU LITURGIC**  
**18 SEPTEMBRIE**

**SLUJBA**  
**SF. CUVIOS**  
**ILARION**  
**PONOMAREV**  
**DE LA OPTINA**



**MINEIUL PE SEPTEMBRIE**  
**MOSCOVA**



# Ме́сяца септёмврия в 18-й день

## Преподо́бнаго

## Иларио́на О́птинскаго

### НА МА́ЛЕЙ ВЕЧЁРНИ

На Го́споди, воззва́х: преподо́бнаго стихіры,  
глас 1:

Прииді́те, празднолю́бцы, / днёсь восхва́лим  
лик че́стный, / преподо́бных ста́рцев  
О́птинских, / в земли́ Калу́жской просия́вших, /  
я́ко многоце́ннии бисери; / и вку́пе с ни́ми  
просла́вим богому́драго Иларио́на, // ублажа́юще  
того́ досто́йно.

Красу́йся ны́не и лику́й / благослове́нная  
пу́стыне О́птинская, / возрасти́вшая, я́ко кри́ны  
благоуха́нныя, / преподо́бныя отцы́ на́ша, / от  
ни́хже ста́рец Иларио́н всехва́льный есть, / его́же  
ны́не ублажа́ем, / добродёте́лей дивнаго  
наста́вника // и пра́вило мона́шествующих.

Божёственна́я велёния исполня́я, / в по́двизех  
послуша́ния кре́пок показа́лся еси́ / и, я́ко но́вый  
Елисёй, / благода́ть ста́рчества от преподо́бнаго  
Мака́рия досто́йно восприя́л еси́, / о́тче

Иларионе блаженне,/ темже и почитающих  
память твою// духовныя радости исполни.

Слава, глас 6:

Ликовствует ныне Церковь Русская,/ наипаче  
же Оптина пустынь величает тя,/ отче Иларионе  
прехвальне,/ мы же, немощная чада твоя,/  
любовию тя почитающе,// молим испросити  
нам у Господа мир и велию милость.

И ныне, праздника.

На стиховне стихиры преподобнаго, глас 2:

Благая и спасительная/ слезами покаянными  
сеявый,/ сторичный плод добродетелей  
возрастил еси/ и Богу Благоутробному во  
смирении глубоко принеся еси,/ преподобне  
отче Иларионе,// сего ради верно ты похваляем.

Стих: Честна пред Господем// смерть  
преподобных Его.

Благочестнаго жития по Бозе взыскуя,/ в  
подвизех постнических утвердился еси/ и, яко  
маслина многоплодная,/ в Оптине пустыни  
процвел еси;/ темже память твою светло  
празднуем// и молимся спастися душам нашим.

Стих: Блажен муж бояйся Господа, // в заповедех Его восхощет зело.

Благонравным житием шествуя, / достигл еси в мужа совершенна / и в подвизах добродетелей искусна; / темже и многия ученики наставил еси, / блаженне отче Иларионе, / и, якоже сотворивый и научивый, // мзду от Бога многую приял еси.

Слава, глас тойже:

Якоже отрасль добрая родителей благонравных, / жизнь твою в день праздника Пасхи от Господа восприял еси, преподобне, / ныне же в невечернем свете Христова, / причащаяся нескончаемыя Пасхи, // моли и нам тоя сподобитися.

И ныне, праздника.

Тропарь преподобнаго, писан на велицей вечерни.

Слава, и ныне, праздника.

## НА ВЕЛИЦЕЙ ВЕЧЕРНИ

На Господи, воззвах: стихиры на 8, глас 5:

Ра́дуйся, Иларио́не, свети́ло благоче́стия,/ мýсленный мрак нече́стия просвети́вый/ и озари́вый сло́вом и́стины сосло́вия вся́ческая,/ подвигну́в к похвалéнию Бо́га,/ во Еди́ней Трои́це сла́вимаго,/ ты бо, я́коже луча́ми со́лнечными, ра́зумы заблúждшия просвети́л еси́/ и Це́рковь оде́ждею златосла́вною украси́л еси́./ Те́мже, богопроповéднице Иларио́не,/ моли́ Христа́, Со́лнце Пра́вды,/ све́том И́стины нам озари́тися// и уллучи́ти мир и ве́лию ми́лость.

Ра́дуйся, преподо́бне Иларио́не,/ по́стников удобре́ние,/ пра́во мýслящих утвержде́ние,/ на враги́ церко́вныя побéдо,/ О́птины пу́стыни похвалéние всекра́сное,/ догма́тов чи́стое зерка́ло,/ раско́льнических умóв низложе́ние,/ мýдрости ста́рческа́я вмести́лище!/ Моли́, богопросвеще́нный о́тче, Христа́ Бо́га,/ дарова́ти Правосла́вию утвержде́ние,/ Це́рква́м единомýслие,/ ино́ком ве́ру и́стинную,/ лю́дем во благоче́стии укрепле́ние,// мир и ве́лию ми́лость.

Ра́дуйся, врачú безмéздный,/ врачевáтелю  
душ богомúдрый,/ свети́льниче моли́твы  
неугаси́мый,/ елеем премúдрости Небéсныя  
умягча́ющий стру́пы на́ша грехóвныя,/ и, я́же  
от нападе́ний дéмонских ра́ны исцеля́ющий./  
Тéмже, óтче Илариóне,/ моли́ Христа́ Бо́га  
дарова́ти нам// мир и ве́лию ми́лость.

Ра́дуйся, богомúдре Илариóне,/ блаже́нство  
ра́йское улу́чивый,/ я́ко и́стинный учени́к  
Христóв:/ соверше́нне Бо́жия за́поведи усво́ив/  
и живота́ ве́чнаго глаго́лы уясни́в,/ дея́нием вся  
сия испо́лнил еси́./ Мы же мо́лим тя, óтче:/ не  
оста́ви нас, си́рых,/ заблужда́тися на путéх  
земных,/ взыщи́ моли́твою твоёю/ и на стезю́  
и́стинную наста́ви,/ да сподо́бимся от Христа́  
улучи́ти// мир и ве́лию ми́лость.

Слава, глас 6:

Свети́льника ве́ры ты позна́хом,/ Илариóне,  
Христóв уго́днице,/ и́же отéческих преда́ний не  
оста́вил еси́,/ ерети́ческая же мудрова́ния  
возненави́дев,/ учи́тели ло́жныя сокруши́л еси́/  
и раско́льники победите́льно посра́мил еси́,  
Отца́ и Сы́на и Свята́го Ду́ха испове́дав,/  
па́стырь до́брый ста́да Христóва яви́лся еси́./ О

нас, преподобне, молися ко Благодетелю всех, //  
еже ущедрити и спасти души наша.

И ныне, праздника.

Вход. Прокимен дне. И чтения три  
преподобническая.

На литии стихира праздника, и преподобнаго,  
глас 1:

Ангельски пожив на земли, / к Свету  
Невечернему, славне, взялся еси, / оставль нам  
божественнаго смирения образ, / трудолюбия  
твоего вожделенное правило / и добродетелей  
немерцающую зарю. / Ныне же со ангельскими  
чинми Богу предстоиши, / и о всем мире  
дерзновенно молишися. / Поминай нас, любовью  
совершающих память твою, / преподобне  
Иларионе, / и отеческим твоим заступлением /  
еретичествующих востания разори / и испроси  
Церкви Русской // мир и велию милость.

Победил еси страстей востание  
умерщвлением плоти / и, в бытие вечное  
родився, / яко новая тварь во Христе, / Духом  
Святым просветился еси, / в ризу же нетления  
одеявся, / званная вечера Царския сподобился

еси́./ Тёмже мо́лим тя, о́тче Иларио́не,/ помози́ и  
нам пока́нием очи́стится// и в черто́г  
Госпо́день вни́ти.

Глас 2:

Ки́ими словесы́ восхва́лим тя, о́тче  
Иларио́не?/ Ка́ко изочтём добродётели тво́я,/ в  
се́ни сме́ртней грехо́внаго жити́я пребы́вающе?/  
Ка́ко досто́йно воспоём труды́ тво́я?/ Ки́й язы́к  
возмо́жет изрещи́ блага́, ихже сподо́бился еси́?/  
Ты бо, у́зким путе́м шеству́я,/ во дво́рех Бо́га  
на́шего ра́достно всели́лся еси́,// и нас сподо́би  
того́ дости́гнути.

Смирéнием Христу́ подража́я,/ клеветы́ и  
поноше́ния благоду́шно терпя́/ и за оби́дящих  
те́пле моля́ся,/ мно́гия бе́ды и ско́рби понёс  
еси́./ Ны́не же, преподо́бне, моли́ о нас грёшных  
и злона́вных,/ да истреби́тся вся́кая  
нечистота́// из серде́ц на́ших.

Слава, глас то́йже:

Красу́йся, Це́рковь Ру́сская,/ днесь  
воспева́ющи сы́на твоего́,/ преподо́бнаго  
Иларио́на О́птинскаго,/ му́жа соверше́нна,/ тя,  
я́ко ма́терь многоча́дную, возлю́бльшаго,/ и  
да́же до послéдняго издыха́ния/ усёрдие к тебе́

сохраньшаго// и ча́дом своимъ ты люби́ти  
завеща́вшаго.

И ны́не, пра́здника.

На стихо́вне стихи́ры преподо́бнаго, глас 1

Подо́бен: Небе́сных чино́в:

Преподо́бне о́тче Иларио́не,/ раду́ется о тебѣ  
Калу́жская земля́,/ наипа́че же сла́вится  
пу́стынь О́птина,/ в со́нме бо преподо́бных  
ста́рцев,/ я́ко звезда́ пресве́тлая сия́еши/ и  
Христа́ Бо́га вку́пе с ни́ми те́пле мо́лиши// о  
спаса́нии душ на́ших.

Стих: Честна́ пред Го́сподем/ смерть  
преподо́бных Его́.

Преподо́бне о́тче Иларио́не,/ вся кова́рства  
злокóзненнаго мучи́теля/ си́лою Бо́жиею  
разруши́л еси́,/ вы́ну о́чи мы́сленныя горе́  
вперя́я,/ се́рдцем же к Бо́гу устремля́ясь,/ я́ко  
фи́никс, насажде́нный руко́ю Госпо́дней,//  
ны́не в вертогра́де Небе́сном процвѣ́л еси́

Стих: Блаже́н муж боя́йся Го́спода,/ в  
за́поведех Его́ восхо́щет зело́.

Преподо́бне о́тче Иларио́не,/ ты я́ко до́брый  
строи́тель,/ на кре́пцем ка́мени Христо́ве/

храмину души твоея воздвигл еси / и, яко  
земледелец трудолюбивый, / землю сердца твоего  
со тщанием возделав, / многими добродетельми  
украсил еси, // имиже питаеши духовная чада  
твоя.

Слава, глас 8:

Днесь настá день торжества твоего, / вёрный  
рабе Христов Иларионе, / ты бо, яко воин  
добропобедный, / лютаго змия силою Божиею  
низложив, / венцем нетленным от Христа  
увенчался еси // и в Церковь Небесную с  
ликованием вшел еси.

И ныне, праздника.

На благословении хлебов, тропарь святого,  
дважды, и праздника, единойжды.

Тропарь, глас 4:

Божественный врачевателю страстей, / веры  
искусный кормчий воистину, / приял еси от  
Господа благодать исцелений, / и на демонов  
славныя победы, / Иларионе, отче предивне, /  
вся бо тайная обличил еси, / еретическия  
умыслы разорив. / Темже молися Христу Богу, /

от прелести диавольския избавити// и спасти души наша.

Ин тропарь, глас 7:

Мира красная возненавидев,/ мир душевный в души стяжал еси,/ земная же наслаждения презрев,/ Небесными дарованиями обогатился еси./ Темже, и тьму раскола отгнав,/ стадо Христово добре упасл еси,/ спасай и нас молитвами твоими,// Иларионе старче богопросвещенный.

### **НА УТРЕНИ**

На Бог Господь: тропарь праздника, дважды. Слава, тропарь святого. И ныне, праздника.

По 1-м стихословии седален, глас 3:

Светлостью подвигов богоприятных просиял еси, отче,/ еретическую тьму разгоняя/ и добродетельми всяческими украшаяся,/ обитель Духа Пресвятого явился еси./ Темже ныне, Иларионе, источаеши верным исцеления,/ яко сосуд исполнь благодати Божия.

Слава, и ныне, праздника.

По 2-м стихословии седален, глас 2:

В соборе богоизбраннем ныне предстоиши,  
Иларионе праведне, / старчества Оптинскаго  
утверждение незыблемое, / догматы бо оградив  
стадо твоё, / к вере Православней паству  
путеводил еси, / темже всегда ограждай от бед  
обитель твою.

Слава, и ныне, праздника.

По полиелеи седален, глас 6:

Яко звезду пресветлую, зрит тя ныне Оптина  
пустынь, / Иларионе богомудре отче, / лучами бо  
веры прогоняеши неведения мглу / и разумы  
просвещаеши зарю Троицескою. / Темже убо  
моли Светодавца Христа, / да просветит нас  
Светом Своего богоразумия, / любовью  
почитающих священную память твою.

Слава, и ныне, праздника.

Степенна, 1-й антифон 4-го гласа. Прокимен,  
глас 4: Честна пред Господем / смерть  
преподобных Его. Стих: Что воздам Господеви о  
всех, яже воздаде ми? Евангелие от Матфея,  
зачало 43.

По 50-м псалмѣ стихира, глас 6:

Наставник богомудрый, / Церкви Русския  
благоглаголивая уста, / Духа орган  
доброгласный, / лжу расколов посрамляяй, / долу  
влекущия страсти отсекаяй / и к высоте  
богопознания возвышаяй, / Иларион  
преподобный ныне да почитется, / веры правыя  
поборник // и молитвенник о душах наших.

Канон праздника со ирмосом на 6, и святаго на 8

Канон святаго, глас 8.

Песнь 1

Ирмос: Колесницегонителя фараона погрузи /  
чудотвори иногда / Моисейский жезл,  
крестообразно поразив / и разделив море: /  
Израиля же беглеца, пешеходца спасе, // песнь  
Богви воспевающа.

Родителю издетска в послушании навьик, с  
млеком матере веру Христову впитал еси,  
знаменовся в рождестве твоём светом  
Воскресения Христова.

Ратоборец искусен показался еси, егда  
невидимая полчища бесовская постом, бдением  
и молитвою победил еси, темже молим тя,

преподобне, помози и нам в духовных бранех устояти.

Египтян мысленных zelo усмирil esi, непрестанно имя Христово призывая, и, яко фараонитское воинство, водою слез твоих потопил esi, песнь Богу воспевая.

Богородичен: Палато Небеснаго Царя, во чреве вместившая Невместимаго, Всепречистая Дево Богородице, услыши нас грешных, молящихся Тебе, и побори врагов, борющихся нас.

### Песнь 3

Ирмос: Утвердей в начале небеса разумом / и землю на водах основаый, / на камени мя, Христе, заповедей Твоих утверди: / яко несть свят паче Тебе, // Едине Человеколюбче.

Светом Христовым просвещая землю Русскую и расколоучителей обличая нечестие, спасл esi овцы Христовы от гибели вечныя.

Наставников твоих, Льва и Макария, достойный учениче и послушнике преизрядный сый, в нижайшем смирении сердечном высок пред Господем явился esi.

Любовию движимый, еже Богу Единому работати, вся красная мира презрел esi и, по

Бо́же жити́е ре́вно́сно облобыза́в, ве́рный  
после́дователь Христа́ яви́лся еси́, с Ни́мже и  
ца́рствуеши ны́не.

Богоро́дичен: Богоро́дице Де́во, простри́ в  
моли́тве ру́це к воздви́жаемому на Кресте́ Сы́ну  
Твоему́, Пречи́стая, за ны грѣшны́я во́лею  
распе́ншемуся, да изба́вит нас от рабо́ты  
вра́жия.

Конда́к и и́кос пра́здника.

Седа́лен, глас 5:

Небе́сных лико́в подо́бниче, о́тче пра́ведне,  
ны́не в вели́цей сла́ве незаходи́мей лику́еши и  
любо́вию на ны, грѣшны́я и немощны́я,  
взира́еши, оба́че приими́ похва́лы, брѣнными  
устна́ми тебе́ воспева́емья, е́же умоли́ти  
Милосе́рднаго Бо́га дарова́ти нам потре́бная ко  
спасе́нию.

Сла́ва, и ны́не, пра́здника.

Песнь 4

Ирмо́с: Ты моя́ кре́пость, Го́споди,/ Ты моя́ и  
си́ла,/ Ты мой Бог, Ты моё ра́дование,/ не  
оста́вь не́дра О́тча/ и на́шу нищету́ посети́в./

Тем с пророком Аввакумом зову Ти:// силе  
Твоей слава, Человеколюбче.

Цевница духовная был еси, отче, возвещая от  
Божиих словес, отгуду бо почерпн еси разум  
божественный, и всем к тебе притекающим,  
преподал еси благочестно.

Апостольски поревновав, преподобне,  
заблудшия и прельщенные из рова  
погибельнаго извел еси и, еретическая собрания  
пресек, лжеучители праведному суду предал еси.

Веру Православную сохраняя, якоже учил,  
такожде и творил еси: мирскому предпочел еси  
монашеское, тем и житие твое прославися.

Богородичен: Единая Чистая в женах, Мати  
сподобившия быти Господа, на руку носила еси  
Безначальнаго и от сосцу питала еси Безлетнаго.  
Того убо моли спасти поющия Тя.

## Песнь 5

Ирмос: Вскую мя отринул еси/ от Лица  
Твоего, Свете Незаходимый,/ и покрыла мя есть  
чуждая тьма окайннаго./ Но обрати мя, и к  
свету заповедей Твоих// пути моя направи,  
молюся.

К по́двигу ино́ческому присту́пив неосла́бным умом, и́стины разу́мение прия́л еси́, а́нгельским же чи́ном поревно́вав, во́лю бо́жественную испо́лнити потща́лся еси́.

Восхожде́ние в се́рдце сво́ем положи́л еси́, в моли́тве непреста́нно поуча́ясь, и всено́щными тво́ими бде́нии но́щи я́ко дни светоза́рны показа́л еси́.

Или́ну ре́вность к Богоу́гожде́нию имéя и, я́ко Ио́сиф, целому́дрие храня́, вельми́ Бо́гу угоди́л еси́ и со избра́нными сопричте́н был еси́. Испроси́ и нам невеще́ственная блага́ восприя́ти.

Богоро́дичен: Распина́емаго на Кресте́ зря́щи Сы́на Твоего́, слéзно вопия́ла еси́, Ма́ти Бо́жия, ору́жие бо нестерпи́мая ско́рби ду́шу Твою́ про́йде, о́баче ны́не дарова́ Тебе́ Христо́с Бог неизрече́нную ра́дость.

## Песнь 6

Ирмо́с: Очи́сти мя, Спа́се,/ мно́га бо беззаконя́ моя́,/ и из глуби́ны зол возведи́, молю́ся:/ к Тебе́ бо возопи́х и услы́ши мя,// Бо́же спасе́ния моего́.

Всемудрый ум стяжав и воли своея отложение усвоив, послушанием ко источнику мудрости притекл еси и чистыя воды разсуждения испил еси.

Око духовное во бдениих изошрив, зрел еси законы бытия вечнаго и, грядущая яко настоящая провидя, от бед и скорбей чад своих охранял еси. Тако и нас, преподобне, от бед избави.

Дивное чудо сотвори тобою Господь, егда ты, отче, благословив жену неплодную, на будущее лето со чадом прийти повелел еси. Тако и нас, добродетелей не имущих, благослови и сотвори благоплодны.

Богородичен: Егда книги совестныя разгнутся и станет Нелицеприятный Судия на Судищи Своем, тогда воздежи богоприемней руке Твои, Пречистая Богородице, и сподоби нас одесную Сына Твоего стати.

Кондак, глас 5:

Сотайнниче старцев Оптинских/ и сонаследниче предела Владычицы,/ яко древо плодовитое, в пустынном вертограде процвел еси/ и, яко пастырь добрый, стадо Христово

утверди́л еси́./ Ны́не же моли́ Христа́ Бо́га/ в  
Правосла́вии сохра́нися и в благоче́стии  
утверди́тися// любóвию ты почита́ющим.

### И́кос:

Лю́тою болéзнию́ изнуря́емъ, Йо́ву  
Многострада́льному подража́я, непреста́нно  
Бо́га благода́рил еси́, и за си́е возда́ тебе́ Госпо́дь  
и в Ца́рстве смире́нных и крóтких упоко́и. Мы  
же, дивя́щися по́двигу жити́я твоего́, уми́льно  
вопи́ем ти: ра́дуйся, мона́шествующим о́бразе  
терпе́ния; ра́дуйся, подвиза́ющимся о Го́споде  
крéпкий помо́щниче. Ра́дуйся, Руси́ Святы́я  
присный моли́твенниче; ра́дуйся, похвало́ и  
ра́дование любóвию ты почита́ющим.

### Песнь 7

Ирмо́с: Бо́жия снизхожде́ния/ о́гнь устыде́ся  
в Вавило́не иногда́:/ сего́ ра́ди о́троцы в пе́щи  
ра́дованною ного́ю,/ я́ко во цвётнице лику́юще,  
по́яху:// благослове́н еси́, Бо́же оте́ц на́ших.

Недрема́нно о́ко се́рдца твоего́ соблю́л еси́/ и  
та́йная кова́рства де́монская изобличил еси́,/  
т́му преле́стную разгона́я непреста́нным  
псалмопе́нием:/ благослове́н еси́, Го́споди,  
взыва́я.

Престо́лу Бо́жию предсто́я,  
предста́тельствуеши моли́твою твоёю за пу́стынь  
О́птину, науча́я всех ве́рных пе́ти: благослове́н  
еси́, Бо́же оте́ц на́ших.

Веще́ственная блага́ отрину́в,  
невеще́ственного пакибы́тия прича́стник  
соделался еси́ и, я́ко до́брый де́латель виногра́да  
Христо́ва, мзду Небе́сную со все́ми святы́ми  
прия́л еси́, воспева́я: благослове́н еси́, Бо́же оте́ц  
на́ших.

Убе́жище благооти́шное в О́птиной пу́стыни  
обрёт, мяту́щаяся ду́ши людскія́ ми́ром и  
любо́вию исполня́л еси́, науча́я всех вы́ну  
воспева́ти: благослове́н еси́, Бо́же оте́ц на́ших.

Богоро́дичен: Тебе́ и Стéну и Приста́нище  
и́мамы, и Моли́твенницу благоприя́тну к Бо́гу,  
помяни́ нас во Ца́рствии Сы́на Твоего́, Де́во  
Пречи́стая.

## Песнь 8

Ирмо́с: Седмери́цею пещь / халде́йский  
мучи́тель / благочести́вым неисто́вно разжже́, /  
си́лою же лу́чшею спасе́ны сия́ ви́деи, / Творцу́ и  
Изба́вителю вопия́ше: / о́троцы, благослови́те, /

священницы, воспойте, // лю́дие, превозносите  
во вся ве́ки.

В моли́тве к тебе́ прибега́ем и защи́щения у  
тебе́ про́сим: изба́ви ста́до Христо́во от волко́в,  
губя́щих е, и ерети́чествующих нападе́ния  
вконе́ц разори́.

Егда́ богоно́сный ста́рец Мака́рий, авва твой,  
преста́вися ко Го́споду, тогда́ ты сирот́ его́  
духо́вных не оста́вил еси́, сло́вом Бо́жиим тех  
неле́нотно пита́яй.

Елицы́ под зако́ном хо́дят, раби́ суть  
Госпо́дни, ты же, любо́вию объ́ятый и се́рдце  
Бо́гу в дар принесы́й, я́ко ча́до Христу́ усвои́лся  
еси́: сподо́би и нас Того́ всем се́рдцем возлю́бити  
и насле́дники благ Небе́сных соде́латися.

Богоро́дичен: Све́тлое а́нгелов ликовáние,  
кади́льнице моли́тв святы́х благово́нная,  
Нача́льника жи́зни на́шея во чре́ве Своём  
носи́вшая, Того́ моли́, Ма́ти Бо́жия, да прии́мет  
нас в Небе́сныя черто́ги.

## Песнь 9

Ирмо́с: Ужасе́ся о сем Не́бо, / и земли́  
удиви́шася концы́, / я́ко Бог яви́ся челове́ком  
плотски / и чре́во Твое́ бысть пространнейшее

небес./ Тем Тя, Богородицу, // ангелов и человек  
чиноначалия величают.

Идеже умножил еси талант духовный, где  
ныне пребывают честныя мощи твоя, ту  
посещай, и твоя певцы любовью назирай, ты  
непрестанно величающия.

Истинный ученик Христов быв, потщался еси  
одежды души твоея слезами покаянными омыти  
и вонями добродетелей умастити. Темже на  
брачную вечерю невозбранно вшел еси, и нас  
тоя сподоби.

О присный делателю молитвы, отче  
преподобне! Ты, ум на стражи сердца своего  
утвердив, всякий лукавый помысл именем  
Христовым искусно посекал еси и чистотою  
сердечною Бога узрел еси. Сподоби и нас  
чистым сердцем Того славити.

Богородичен: Тя, Богородице Дево,  
Ходатаицу теплую и стену небориму имуще,  
яко Молитвенницу за ны неотступную песненно  
восхваляем.

Светилен:

Многими страстьми обуреваемы, молим тя,  
отче Иларионе: исхити нас из челюстей адскаго

змія́ и сподо́би свѣ́том Христо́вым  
просвети́тися, и на Крѣ́ст Честны́й с весѣ́лием  
взира́ти, я́ко тем иску́плени есмы́ от рабо́ты  
вра́жия.

Сла́ва, и ны́не, пра́здника.

На хвалі́тех стихі́ры, глас 4:

Мона́шествующих сто́лпе кре́пкий,/  
богомудры́й преѣ́мниче ста́рчества О́птинскаго,/  
трудолю́бія дѣ́вное пра́вило,/ бесо́в смире́нный  
прогони́телю,/ де́лателью у́мныя моли́твы,/  
ста́рче наш Иларио́не,/ в твоѣ́й па́мяти свѣ́то  
со́бранных// огради́ покрóвом моли́тв твои́х.

Образе́ послуша́ния,/ мона́шествующих  
похвало́,/ ино́ков украше́ние,/ преподо́бне о́тче  
Иларио́не,/ ве́мы тя добродѣ́телей наста́вника,/  
возводя́щаго ду́ши к Небеси́,// те́мже ты ны́не  
любо́вию ублажа́ем.

Благоче́стия учи́телю,/ раско́ла искорени́телю  
му́дрый,/ па́стырю до́брый, Иларио́не,/ соблюди́  
ста́до твоѣ́ моли́твами твои́ми/ и нерасхище́но  
Христу́ Па́стыренача́льнику приведи́,// да  
пра́зднуем торже́ство твоѣ́ светоно́сное.

Сла́ва, глас 1:

Днесь собо́р О́птинских отце́в, / собра́вшихся  
в пу́стыни Христа́ ра́ди, / сретает поборо́ника  
Правосла́вныя ве́ры, / его́же прие́мши, лику́ет  
Небе́сная Це́рковь. / Те́мже и мы, лик  
соста́вьше, / твоё предста́вление честву́ем,  
вопию́ще благоче́стно: / ра́дуйся, преподо́бне  
Иларио́не, / от ми́ра прише́дый в мона́шеское  
ополче́ние; / ра́дуйся, ста́рче всехва́льный, /  
Правосла́вную ве́ру неврежде́нну храни́вый; //  
ра́дуйся, моли́твенниче о душа́х на́ших.

И ны́не, пра́здника.

## **НА ЛИТУРГИИ**

Служба пра́здника, и преподо́бнаго.

**[Утверждена Священным Синодом  
Русской Православной Церкви  
09.03.2017 (журнал № 15).]**

